

Visoki predstavnik pozdravio usvajanje Sporazuma o reformi policije koji je odobrila Evropska komisija

“Danas su delegati u Domu naroda Parlamentarne skupštine BiH glasali za sporazum o reformi policije koji je odobrila Evropska komisija i time su otvorili vrata ka Evropi,” izjavio je danas visoki predstavnik. “Izuzev reforme javnog RTV servisa, ovo je bila posljednja velika prepreka koja je sprečavala BiH da otpočne pregovore o stabilizaciji i pridruživanju.”

Početak pregovora o Sporazumu o stabilizaciji i pridruživanju će obilježiti presudan pomak sa poslijeratne stabilizacije, s jedne strane, i tranzicije ka Evropi, s druge strane, rekao je visoki predstavnik.

“Početak pregovora o Sporazumu o stabilizaciji i pridruživanju će pomoći da se BiH nepovratno postavi na put ka istinskoj državnosti. Od sada, BiH ima jasnu viziju svoje budućnosti. Obećanje prosperiteta koje se pruža svakom građaninu i koje dolazi sa pridruživanjem i, u konačno, članstvom u Evropskoj uniji se može pretočiti u stvarnost, rekao je visoki predstavnik i konstatirao da nijednoj zemlji koja je krenula putem ka Evropi kroz process stabilizacije i pridruživanja nije se desilo da nije okončala put do punopravnog članstva.

Visoki predstavnik je dodao da ovaj sporazum polaže političke temelje za proces reforme koja će rad policije u BiH učiniti efikasnijim u borbi protiv rastućeg problema kriminala. Istakao je da je sljedeći korak formiranje Direkcije za implementaciju reforme policije do 31. decembra.

Sporazum o reformi policije, koji je odobrila Evropska

komisija, utvrđuje da je posao ove Direkcije da sačini plan implementacije koji je u skladu sa tri principa Evropske komisije. U Direkciji će biti profesionalna lica i eksperti sa svih nivoa vlasti u BiH.